

ШАРКАН КОММУНА

РЕДАКЦИЛЭН АДРЕС 33: Шаркан село, Советской урам, Райзолэн коркаез. Телефонлэн номерез 19

Толэзлы 10 пол, 6-ти арзэ потэ.

ВКП(б)-лэн
Шаркан
Райкомезлэн но
Райисполкомлэн
ОРГАНЗЫ

Голэзлы 50 коньы

Критикаез но самокритикаез эшшо вылэ жутомы

Первичной партийной организациосын парторг'ёсыз быр'ён ортче. Отчётной собраниос торгово-заготовительнойын, МТС-ын, НКВД-ын бадзым активностен ортчызы.

Прениосын партилен член'ёсыз но кандидат'ёсыз ваньмыз сямен верасько. Райкомлэн но парторг'ёслэн ужамзы сярысь уно тырмытэ интыосыз шараяло. Азыланаз ужаны умоесь предложениос лэсьто. Тани та партилен член'ёсызлэсь но кандидат'ёсызлэсь активностельсь вылэ жутоксемзэ возьматэ.

Куд-ог первичной партийной организациосысь партилен член'ёсыз но кандидат'ёсыз критика но самокритика сярысь валаллямтэ. МТС-ысь первичной партийной организациосы Вахрушев, Помыткин сярысь вераськыны кутскиз но, сое Помыткин „мар чик юнме зулыськод“ — шуса критикаез кырмыны турттэ вал.

Тайной голосовать карон сярысь ВКП(б) ЦК-лэсь сётэм директивазэ тьян'ёс но вань. Торгово-заготовительнойысь но МТС-ысь первичной партийной организаци-

осысь парторг'ёсыз бырйыку, тайной голосование дыр'я райкомлэн представитель'ёсыз присутствовать оз каре. Кыззы голосовать каризы, со сярысь тодыны секут.

Та лэсьтэм янгыш'ёсыз азыланаз лэзёно өвёл ни. Парторг'ёсыз бырйыку бдительность вылэ жутомын луыны кулэ. Партилен замаскироваться кариськем тушмон'ёсыз партийной орган'ёсы шедьыны медаз быгатэ. Выдвигать карем кандидатураосыз пыр-поч эскероно. Шаблонность но формальность медаз луы. Партийной орган'ёсы, партилы преданной, партилэсь член'ёссэ быр'ёно.

Партийной орган'ёсы быр'ён уж, азымы сылысь уж'ёсыз умоен бидэсьян уез разрешить карыны мед быгатоз. Али тулысь кизён кампанылы дасьяськискомы, кизён кампаньез вакчи дырен но умоен ортчытыны, стахановской движениез паськыт вёлдыны мед быгатомы. Хозяйственной уж'ёсыз партийной воспитательной ужен герзэса, ВКП(б) ЦК-лэн февральской пленумаз пунктэм уж'ёсыз умоен бидэстэммы луоз.

СОВЕТО СОЮЗЫН

М. И. Калманович эш СССР-ысь совхоз'еслэн Наркомазы ужамысь Мозмытэмын

СССР-лэн Центральной Исполнительной Комитетэзлэн президиумез М. И. Калманович эшез СССР-ысь зерновой но пудо вордон совхоз'еслэн Народной Комиссареныз ужамысь мбзытэ.

—*—


СССР-ысь совхоз'еслы Наркоме Н. Н. Демченко эш юнматэмын

СССР-лэн Центральной Исполнительной Комитетэзлэн президиумез Демченко Николай Нестеревичез СССР-ысь зерновой но пудо вордон совхоз'еслэн Наркомазы юнматэмын.

—*—

Украинаысь первомайской базар'ес

10 апреле Украинаысь 85 город'ёсын первомайской базар'ёс усыйськемын. Вань базар'ёсын 190 миллион тыр товарооборот лэсьтыны учкемын.



СУРЕД ВЫЛЫН: Барселонийсь объединенной социалистической партилен (социалист'ёслэн но коммунист'ёслэн) ЦК-лэн корка дорысьтыз испанской правительственной войскоослэн паразы.

Испанияысь фронт'есын

Кордово фронтын республиканец'ёсын Вильяартаез басьтыку мятежник'еслэн 600 муртсы быремын. Полевой артиллерилэсь 5 батареазэ, 160 пулеметсэ, уно боеприпас'ёсын итальянской 7 грузовик'ёсыз, итальянской 2 танк'ёсыз басьтызы на. Мятежник'ёс ялан отступать кароно луо. Соос Фуэнте Овехуна пала мыно. Отын нош правительственной войскоослэн позицизы туж кужмо. Республиканской самолёт'ёс Вирхендела Кабеса монастырез кужмо бомбардировать каризы. Отын 400 мурт мятежник'ёс вал.

Республиканец'еслэн кык моторо 3 бомбардировщик'ёсы чугун сюрес станциез но Малагалэсь портсэ бомбардировать каризы. Отын мятежник'еслэн 8 гидросамолетсы вал. Бомбаос соолы уно из'ян лэсьтызы.

Арагонской фронтысь республиканец'ёс 8 апреле Уэски дорын кужмо наступать каризы. Кужмо жугыськем бере республиканец'ёс со городлэсь вань важной позициоссэ басьтызы.

Мадридской фронтысь республиканец'ёс 8 апрелэ разведочной операция лэсьтэ тызы. Республиканец'ёс асьсэлэсь позицизэс оружыосын но боеприпас'ёсын юнматыса мятежник'еслэсь 12 пулеметсэс басьтызы. Республиканец'ёс Толедоез азинлыко бомбардировать каро.

9 апреле Чукна авиацилен кужмо юрттэмын республиканец'ёс Карабанчельысь военной госпиталез басьтызы. Кужмо атаковать карем бере Карабанчель но Касаде Кампо вискусь сюрес кузя кыстыськись окоп'ёс республиканец'ёс кие сюрисы. Жугиськон кужмо мынэ.

Бискайской фронтысь мятежник'ёс наступление нуо вал. Трос войскооссы бырем бере обороняться гинэ карисько ни.

Овиедолэн нуназе палазгес, вуж кладбище дорын, мятежник'ёс республиканец'еслэсь позицизэс атаковать карыны турго вал. Кема жугыськем бере мятежник'ёс 200 муртсэс виенныштыса отступать кароно луизы.

ОТЧЕТНОЙ СОБРАНИЫСЬ

13 апреле НКВД-ысь первичной партийной организацилен ог'я люкаськем партийной собраниез ортчиз. ВКП(б) райкомлэн ужамез сярысь отчётэз'я пренин 8 мурт вераськисыз. Пренин вераськисьёс ВКП(б) райкомлэн ужамысьтыз уно тырмытэ интыосыз шараязы.

Нырысь ик Хохряков вераськиз. Со, партийной дышетскон, проверка но контроль сярысь вераськиз.

—Райком пропагандист'ёсын кигувалты — шуэ со. —Милям первичной партийной организациямы куинетй пропагандист ужа ни. Красавик умой оз дышеты, милемыз путать карыса гинэ улыз. ВКП(б) райком уно чебересь решениос кутылэ. Со решениослэн бидэсмемзы сярысь эскерыны вунэтэ. Уно решениосыз бумага вылэ кылэ. Гурт'ёсы уполномоченной ыстылэ но, соослэсь ужзэз уг эскерылы. Куд дыр'я калыкез эскерылэтэк лэзья.

Со сяна Хохряков эш культурной уж'ёс сярысь но РОНО-лэн ляб уж'ёсыз сярысь вераськиз.

Огурцов эш ВКП(б) членэ пыртыны дасьяськон уж нуон сярысь вераськиз. —ВКП(б) райком кандидат'ёсыз членэ пыртыны ляб дасьяське. Туннэ нуналозь

одиг кандидат но членэ пыртэмын өвёл.

Веретенников эш асьме районын национальной политикаез нуон сярысь вераськиз. —ВКП(б) Обкомлэн июльской пленумаз кутэм решениын удмурт дело производство сярысь чурит верамын вал. Со решение асьме районын уж вылын уг бидэсмэ. ВКП(б) райком первичной партийной организациосы удмурт кылыно гож'яса одиг бумага но уг лэзья.

Наговицын эш тазы шуэ—ВКП(б) член'ёсыз но кандидат'ёсыз воспитать карон сярысь райком ичи сюлмаське. Куинь ар кустын уно член'ёс но кандидат'ёс партиысь куштэмын. Тини со, райкомлэсь формальной но шаблонной ужамзэ возьматэ. Соин валче ик куд-ог член'ёслы чурит подход лэсьтоно ке, стчы небыт походить каре. Райкомлэн инструктор'ёсыз первичной партийной организациослы ожит юртто.

Главатских эш ВКП(б) райкомлэн культпропезлэн ляб ужамез сярысь озы шуэ: —Макаров культурной ужен киугвалты. Клуб'ёс уг ужало. Стрелков режиссерлы чик юнме гинэ коньдон тыро. Макаров сое уг адты. Сосновкаысь клубе

пырыны ик мылпотоно өвёл. Маркова клублэсь ужзэ пуктыны уг сюлмаськы. Райкомлэн инструкторез Наговицын Сосновка сельсоветысь колхоз'ёсы уг ветлы, телефон пыр „сое лэсьтэ“, „тае лэсьтэ“ —шуса колхоз'еслэн правлениоссылы директиваос сёткаса, соин буйгатске.

Первичной партийной организацилен парторгез Хохряков эш отчетлы умой дасьяськымтэ, Кык ар ужамзы сярысь вераськыно ке, вераськыны уно лусалыз. Нош со 15 минут куспын отчётсэ вераса бидтыз. Аслаз отчётаз кин кызы ужа, со сярысь одиг пример но оз вера. Со озы гинэ шуиз:—партийной поручениосыз уг бидэсьяло—Кин уг бидэсьяло малы уг бидэсьяло, со сярысь одиг кыл но оз вера. Тани та Хохряков эшлэсь небыт сюлэмен ужамзэ, возьматэ.

Первичной партийной организациысь член'ёс Хохряковлэн урод кивалтэсь сярысь уно вераськисыз, уно тырмытэ интыоссэ шараязы.

ВКП(б) райкомлэн но парторглэн отчётсы'я решениос кутызы.

НКВД-ысь первичной партийной организацие, парторге Зорин эш быр'емын.

Учет уг нуы

Кыква сельсоветысь „Кыква“ колхозысь бригадир Филатов И. ужасьёсызлэсь ужам уж'ёссэс гож'ямтэныз колхозник'еслэн трудоденьёссы ыше. Аслаз ужасьёсыз пöлын нокуйче учетэз өвёл. Стахановец'ёсыз шараямтэ. Нош соос колхозын луытэк кылыны кулэ өвёл. Озы ик вал'ёс сэ уг эскерылы. Вал гидэ уг но вуылы.

Филатовлэн колхозник'ёслэсь трудоденьёссэс ыштылэмез чидантэм уж. Правление но солэсь ужзэ уг эскеры, зыбломьса улэ. Вакчи дырен колхозник'ёслэсь трудоденьёссэс пусйылыса колхозник'ёслы ивортоно. Филатовез азыланаз сыче ужаны лэзёно өвёл ни.

РУЧКА.

100 процентлы бидэстэмын

Петунька сельсоветысь „Кушсо“ колхозын колхозник'ёс но колхозницаос пöлын сюрес лэсьтонлэсь но народной хозяйствосысь транспортлэсь значенизэ пырпоч валэктыса 1937 арлы сётэм сюрес лэсьтон планзэ, 8 апрелэзэ 100 процентлы бидэстэ.

Романов, Каштанов,
Гуменников.

Л. Толстойлэсь произведениоссэ проработать каримы

Ми, Н. Казесс школаын 7-тй классын Лев Толстойлэсь „Хаджи мурат“ нимо произведенизэ проработать каримы. Валантэм интыоссэ Смирнова дышетисьмылэсь юаллямы. Мызон писательёслэсь но произведениоссэ умой проработать каромы. ВОРОНЦОВ.

Культурной улон будэ

Петунька сельсоветысь „Пахарь“ колхозын культурной уж умой пунктэмын. Колхозник'эслы но колхозницаослы виль клуб тупатэмын. Колхозник'эс дырзэс культурно, шулдыр ортчыт'яло. СВБ ячейка, драмкружок но мукет'эсыз мыльсь-кыдысь у ж а л о. Озы ик колхозник'эс агрозоокружок'эсын уно дыше-

тско. Колхозын СССР-лэсь Конституцизэ но Удмуртской АССР-лэсь Конституцизэ пыр-поч проработать каремын.

Соин валче ик колхоз тулыс кизёнлы дась. Кыдыс шертэмын, вал'эслэн тырлык'эссы умоесь.

Гужем азелы сад лэсьтыны кутскемын.
БОРИСОВ.

Вострокнутов ваньбурез тус-тас каре

Сюрсовайской школаысь директор Вострокнутов дугдылтэк юыса улэ. Юыса улэмез понна Райком комсомол сое комсомольсь куштыз

Райком комсомоллэн решениысьтыз но кычэ урок өз лэсты. Урод уж лэстынэз али но нуэ. Вострокнутов мошенически месткомез пöяса 300 манет коньдон бастыт. Дышетскис пинал'эслы вис'ям нянез 150 килограммзэ вузас. 5 центнерлэсь но ятыр картопкаез кынтыса сисытйз. Школаез эстыны дасям пу-

эз мизон учреждениослы вуза.

Тани та шакрес уж'эсыз РОНО-лэн заведующоез Широбоков тодэ ке но „личные счеты“ шуса но кычэ ужрад'эс уг куты.

Кема-а меда сычэ вредительэсыз Широбоков бурд улаз ватыса возез? Мон сямен Вострокнутовез кемалась ужысьтыз куштыны кулэ вал ни. Школьной ваньбурез тус-тас каремез понна визь вылэ вутгыны кулэ вал.

СЕМЕНИЩЕВ.

Корепанов ужаны уг юртты

Н-Кивар сельсоветысь „Большевик“ колхозлэн 4-ти номеро бригадаысьтыз бригадирез Корепанов мыйгасыз дышетыны уг сюлмаськы. Солэн бригадаез гожтэт тодымтэез 15 мурт лыд'яско. Соос оgez но дышетскыны уг ветло. Корепановез дышетскыны ка-

лыкэ улляны косыськод ке „мон верай ини“ шуса пöя. Корепановлэн кышноез дышетскыны уг ветлы. Гожтэт тодымтэосыз дышетыны сюлмаськон интые, Корепанов мугетыса улэ. Азыланаз сычэ мугетонлы пум пононо, дышетон ужез умой пуктоно. **Комсомолец.**

Таос газет'эсыз лыдзыны уг ярато

К о т ь к и н но тодэ газетлэсь мар быдза тдонлык сэтэмзэ. Озы ке но М у в ы р школаысь дышетйсь'эсыз Воронцов но З е л е н и н а, одйг номер но но кычэ газет'эсыз уг басты. Та дырозь Сталинлэсь докладзэ но СССР-лэсь Конституцизэ проработать өз каре на, озы ик колхозник'эс пö-

лын но проработать карымтэ. Соос уг тодо асьме сяскыськыс кунмылэсь будэмзэ, азинлык'эссы но мукет кунын мыйсь событиосыз.

Советской дышетйсь'эслы сычэ пеймыт кылыны возыт. Дышетйсьлы нырысь ик выль ивор'эсыз асьсэлэ тодоно но, собере пинал'эссылы валэктоно луо.
П. ЕГОРОВ.

Клублэсь ужзэ умой пуктоно

Н-Кивар сельсоветысь „Большевик“ колхозлэн клубезлэн гурез уг эстыльськы. Озы ик керосин но öвöл. Керосин öвöлэн чаген пуко. Та тырмымтэ уж'эсыз палэнтны нокин уг сюлмаськы. Клублэн заведующоез — Волков ужзэ пуктыны уг сюлмаськы.

Тани 1 май но вуэ ини.

Колхозник'эсыз пöяз

22-ти мартэ киномеханик Мартюшев „Виль курегурт“ колхозысь вал курьса аппарат'эссэ нуытйз. Аппаратэз лэзькуз—вань колхозник'эслы ивортэ—шуса ивортйз. Кино учкыны шуса ог 60 мурт люкаськыса возмаса улызы. Механик—Мартюшев өз ветлы, колхозник'эсыз пöяз.
ЗАХАРОВ.

1 май сярись нокин но номыр уг куареты. Клублэсь ужзэ умой пуктыны понна, колхозлэн правлениезлы кулэ луись ужрад'эс кутано.
Комсомолец.

ЕТИН КИЗЕН

Етинлэн ужаз самой ответственноез кизён уж луэ. Киземлэсь азывлык кызын маин кизёно, чем-а шер-а кизёно, ку кизёно но кызы кидыссэ кызыны тупатано. Тани та ужез разрешить карыны öд ке быгаты, етинэз ужаны но уд быгаты.

Кызыны тупатэм площадез, кызыны кудмында кидыс кулэ луэ сое разрешить кароно. Шер-а чем-а кизёно, сое тодыны понна кидыслэсь зечлыкэс, муз'емез, климатэз но хозяйственной условиосыз тодоно.

Етинлэн мертчанэзлэн зечлыкэс кизем бордын луэ. Етинэз шер ке кизид, етинлэн модосэз зöкесь, ваёес луозы. Шер кизем етинлэн быгылиез уно луоз, озы бере сычэ кизем етин уно тысь сётэ. Со понна сычэ зöкесь модосо етинлэн мертчанэз öжыт но уродгес луэ.

Чем кизем етинлэн куроез векчиесь луэ. Векчи куроё етинлэн мертчанэз зеч но уно луэ. Шер но чем кизем бордысен кидыс-а мертчан-а бастыны быгатано, сое валаны луэ ни. Мертчанэз умой но уно мед луоз шуыса сокем чем кызыны уг яра. Туж чем кизем етинлэн куроез туж векчиесь луэ, будэм безраз пограни яратэ.

Долгунец етинэз одйг гектар вылэ 120—150 килограмм кидыс кизёно. Мертчанлы кызыку рядовой сеялкаен, кизёнлэн нормаз 10—15 процент улы луэ. Соку 120—130 килограмм гинэ кизиське. Кудряш етинэз кидысэз понна кызыку одйг гектар вылэ 40—60 килограмм кыдыс кизёно луэ.

Етинлэсь удалтонзэ жутонын дыраз кизем бадзым значение бастыт. Етин почвенной котэз кулэ каре. Нырысь будыкуз уно ву кулэ каре. Умой ужам муын вазь тулыс, майлэн пумазлэсь июньлэн нырысь

нунал'эсызлэсь уно котэз луэ. Татысен валано ни. Мулэн котэз вазь кизем дыр'я луэ. Соин ик етинэз вазь кизёно луэ. Вазь кизем етин чош будэ, вазь вуэ, октыны-калтыны но вазь луэ. Вазь октэм-калтэм етинэз лякыт куасыны, тышканы луэ. Вазь кизем етин, вазь вöлдыны вуэ. Дырызлэсь азыло сэстыса госуларстволы сётыны вуэ.

Вазь кизем етин кынулэ шедьылэ кено, 2-3 градус кезьтылы уг сётйськы.

Кидыс огкадь быр'емын но кызыны мурдалаез огкадь согемын ке, етинлэн мертчанэз соку умой луэ. Соин ик кизёнлэсь техниказэ тодоно луэ. Кызыку етин кидысэз огкадь кизёно. Кизем бере огкадь согоно. Мурдалаез 1-2 сантиметрлэсь мур медаз луэ. Капчи сюйо муз'емын 3 сантиметрлэсь мур медаз луы. Мур согем етин кидыс ваньмыз потыны уг быгаты.

Етин кидысэз кыин но машинаен кизён. Кыин но машинаен кизё дыр'я тырмымтэ интыос луылэ. Кыин кизем бере усыен ус'яно луэ. Отын тини тырмымтэ интыосмы луэ. Нырысез ик, усыен ус'яку одйг кадь мурдалазэ лэстыны уг луы. Кытэтйез, огкадь кизем етинэз усы сöрыса лэзе. Соин ик арысь-аре машинаен кызыны сюлмаськоно луэ. Машинаен кизем огкадь соге, мурдалаез но огкадь луэ.

Асьмелэн али обыкновенной ю кизён машинаен ик кизё. Со машинаен киземлэн кусып'эсыз шересгем луэ, соин ик етинлэн модос'эсыз ваёесгес луылэ. Нимысьтыз етин кизён машина вань. Ю кизён машинаен кизён дыр'я кечатвамаз кизёно. Озы кызыса огкадьгес луэ.

Виль сайкэмлэн бервылыз чошкыт уг луы. Соин ик сычэ интыосы кыин кизем умойгес луэ.

Агроном Раевских.

Юыса уло

Нижний Кивар сельполэсь Малы товар уд ваиське председателзэ воштысез Лопатин, сельполэн счетоводэз Стрелков тулыс ю кизён азелы товар ваён сярись уг сюлмасько. Али одйг арня чоже юса улызы.

Малы товар уд ваиське шуса юаськод ке, колхоз'эс вал уг сётэ шуса буйгатскыса уло.

Сычэ урод ужамзы понна Лопатинэз но Стрелковез визь вылэ вуттоно

„ШАРКАН КОММУНА“ ГАЗЕТЛЫ ГОЖТИСЬКЕ!

„Шаркан коммуна“ вис карытэк районьсь умой колхозник-стахановец'эслэсь но ударник'эслэсь ужан опытсэс но улонзэс юж'ялоз, толэзьлы быдэ классик'эслэсь но советской писательэслэсь умоесь произведениоссэс но произведениоссылэсь умоесь люкет'эссэ, районьсь, союзысь но мукет кун'эсысь портэм ивор'эсыз сет'ялоз.

Май толэзьысен одиг удмурт корка но „Шаркан коммуна“ газеттэк кылыны кулэ овол.

Дыр уг виты, дыртэлэ „ШАРКАН КОММУНА“ газетэз бастыны! „ШАРКАН КОММУНА“ 1937 арын 10 номер, портэм суред'эсын но районьсь калык'эслы валамон кылын потоз.

ГАЗЕТЛЭН ДУНЫЗ: арлы—6 манет, 6 толэзьлы—3 манет, 3 толэзьлы—1 манет но 50 коньы, 1 толэзьлы—50 кон. 1 номерез 5 к. сылэ.

Таче урод ужлы пум пононо

Мон Быгыись луисько. 1934 арын мынэсьтым скалме сельсовет незаконно бастыт. Со сярись чагиськон гожтыса Пискунов прокурорлы сётй. Райисполкомлэн президиумез но Пискунов Быги сельсоветэз скалме берен сётыны косыса бумага сётйзы.

Со тырысен дыр кыкарлэсь но кема ортчиз ни, озы ке но номыр ик лэстынэз öвöл. Райисполкомлэсь директивазэ сельсоветлэн председателез Иванов өз быдэстат.

Номыр карыны быгатымтэным, мон со ужез судэ сётй. Нырысь судэ милемыз 1936 арын 23 ноябре öтизы вал. Суд со ужез прокурорлы эскерыны сётйз. Прокурор доры оло көня пол ветлы ни, соос милицияослы эскерыны сётймы шуо, нош милицияын ми дорын öвöл шуса лэзэ. Таре кытчы луизы со материал'эсы уг ни годйськы. Мар карыны ёрмыса улысько ни. Суд пошлинаез но тырмын вал.

Соин ик „Шаркан коммунальсь“ редакциязэ юрттыны курысько.

Судебно-следственной орган'эслэн сычэ урод ужамзылы пум пононо. Райисполкомлы та ужез эскероно луоз.

КОРНЕВА.

—*—

Лякытэн гинэ премия бичаны быгатэ

Кыква сельполэн председателез Куртеев колхозник'эсыз но колхозницаосыз кулэ луись вуз'эсын обеспечить уг кары. Сылал, майтал, с а х а р , махорка, пызь но кеньыр уно дыр'я лавкаын уг луо.

Куртеев чем дыр'я командировочной коньдон бичаса Ижевскетй вуз'эс утчаса калге. Нош номыре но уг вайы. Дырзэ мыд-мыдлань калгыса гинэ ортчытэ.

Нош талэсь но орчыт паймоно кадь уж лэстыт на. Кемалась ик öвöл сельпоын ужасьёсын собрание орчытйзы. Куртеев ас ужзэ дан'яса ассэ ачиз премировать карытйз. Озы со чидантэм урод ужезлы но лякытэн гинэ премия бастыны быгатйз.

Куртеевлэн сычэ самопремирование лэстытэме Советской законэз т й я с а ужамзэ возматэ.

Та дырен, колхозник'эсты тулыс кизён азелы кулэ луись вуз'эсын обеспечить карон выльысь сюлмаськоно.

СИН.

Редактор **ЩЕРБАКОВ.**
Поттись Райисполком.

Я Л О Н

Шарканьсь „союзтильлэн“ заготовительной пунктэз жоген заведующой под пунктом но Сосновкаын но Я-Бодьяын ужаны не штатной сборщик'эс кулэ.

Шаркан селоысь „Союзтильлэн“ аготпунктысьтыз юлляськоно.